

# INUIT ATAQATIGIIT

## INATSISARTUNI



Nuuk, 16. april 2013

Inatsisartut Suleriaasianni § 37 naapertorlugu matumuuna Naalakkersuisunut imaattunik apeqquteqaateqarpunga:

Apeqqutit:

- 1) Inuussutissarsiuteqarnermut Aatsitassanullu Naalakkersuisup nalunaarutigaa piffissaq sukkanerpaaq atorlugu aatsitassanik qinngornernik ulorianartunik akoqartunut aatsitassarsiornermikkut killissarititaasoq tonsimut 60 grammimiit 1000 grammimut allanngortinneqassasoq. Taamatut aalajangernerup avatangiisinut maannalu suliniutinut ingerlareersunut qanoq kinguneqassava?
- 2) Naalakkersuisut aatsitassat qinngornernik ulorianartumik akullit assigiingiiartumik isigaat imaluunniit assigiiaartumik pisortatigoortumik suliarineqarnerminni assigiittut isigineqassappat?
- 3) Qanoq iliuuseqarlutik Naalakkersuisut aatsitassanik qinngornernik ulorianartortalinnik akuersaaannginerup unitsinneqarnissaanik innuttaasunik peqataasitsiniarpat, Inuussutissarsiutinummi Aatsitassanullu Naalakkersuisup akuersaaannginnerup piaarnerpaamik unitsinneqarnissaa nalunaarutigereerpaa.
- 4) Innuttaasut amerlanerit aatsitassanik qinngornernik ulorianartunik akoqartumik paaasannaanissamut akerliussagaluarpata, tamanna tusarniarneqassava imaluunniit Naalakkersuisut pilersaarutiminnik allannguinatik ingerlatitsiinnarniarpat?
- 5) Inuussutissarsiutinut Aatsitassanullu Naalakkersuisup nalunaarutigivaa Kalaallit Nunaata imartaani uuliasiornissamut akuersissutissiisoqaqqisangitsoq. Taamatut aalajangernerup Nunatta aningaasaqarneranut kingunissaa qanoq nalilerneqarpa? Nunatsinni inuussutissarsiutinut, suliffinnik nutaanik pilersitsinissamut kiisalu Aatsitassarsiornermut Ilinniarfimmut Sisimiuniittumut aalajangerneq qanoq kinguneqassava?
- 6) DCE-p (qanga DMU-p) qillerinermi perrassatinik akuutissanik misissuinaera naammassereerpa? Taamaassimappallu, qanoq inerneqarpa? Saqqummiunniarneqarpa? Imaluunniit Aatsitassanut Ataatsimiititaliamut ingerlateqinniarnearpa? Tigussaasunik Naalakkersuisut iliuuseqarniarpat DCE-p misissuinaera tunngavigalugu? Taamaaliortoqarniarpat, qanoq iliuuseqartoqarniarpa? Taamangippat, suliaq qaqugu naammassissanersooq ilima-

**gineqarpa? Kinguartoorneq Namminersorlutik Oqartussat issittumi OSPAR-imik nalilersuinermi suliaanut kiisalu uuliasiortunut piumasaqaataasunut nalimmassaanernut qanoq kinguneqassava?**

**7) Suut iliuusissat tigussaasut Naalackersuisunit pilersinniarneqarpat uuliasiornermi sillimanissamut pitsanngorsaaniarnerminni, taakkulu qanoq sukkatigisumik atuuttussanngortinniarneqarpat? Nutaamik imaluunniit ilassummik inatsisiliornissamik pisariaqartitsisoqarpa? Allannguutissal-  
luunniit nalunaarusiornikkut taamaallaat aqqinniarneqarpat?**

(Inatsisartunut ilaasortaq Naaja Nathanielsen, Inuit Ataqatigiit)

### **Tunngavilersuut**

Naalackersuisunngortut Inatsisartut ukiarmi aalajangiinerannik malinnittariaqaratik nalunaaruteqareerput, naak Inatsisartut tamarmik isumaqatigiillutik aatsitassat qingornernik ulorianartunik akuutissartallit pillugit paasissutissanik amerlanernik noqqaasuteqartut, aatsitassanik qingornernik ulorianartunik akuutissartalinnik paaqqusinninnerup allanngorteratarsinnaanera sioqqullugu. Uggoreqaara tamanna, ingammik innuttaasut naalackersuinikkut allannguinnissamut akerliusut amerlassusaat eqqarsaatigalugu, aammalu innuttaasut Naalackersuisut uranimik atuinissap nunarsuarmi avatangiisinut iluaqutaanerannik paaaffimmilu ajornartorsiutaannginnerannik unnernerat isumaqatigineqanngimmat. Toqqissimalinnginneq naalackersuinikkut allannguinerup kingunerisaa paasissutissanik amerlanerungaartunik Naalackersuisut tunniussaqaarnerannik kinguneqartariaqarpoq, tassami aatsitassanik qingornernik ulorianartunik akulinnik isumerneq naalackersuinikkut nutaamik isummerneruvoq, avatangiisinut peqqinnissamut nunarsuarmilu sillimaniarnikkut allannguinerup kinguneqartussalluni.

Taakku saniatigut soqutigintupilussuuvuq uuliasiorsinnaanermut akuersissuteqarnissamut Naalackersuisut anguniagaat itisilertissallugit. Naalackersuisut toqqarpat taakku unitsinneqassasut sillimanerunissaq tunngavigalugu. Taamaattumik pissusissamisoorpoq iliuusissat tigussaasut suut ilimagineqarsinnaassanersut, qaqugulu taakku iliuusissat piareersimasinnaassanersut pillugit paasitinneqarnissaq. Tassami taakku Nunatsinni avatangiisinut sunniuteqartussaapput, inuussutissarsiuteqartunut sunniuteqartussaapput, uuliasiornermilu ilinniartunut aallartereersimasunut aamma kinguneqartussaallutik, taakkumi aallartipput siunissami ukiorpaalunni suliffeqalernissamik takorluugaqarlutik.

Aggustimi 2011-mi Naalackersuisuusimasut nalunaarput DCE qanga DMU-jusimasoq qillerinermi akuutissanik atuneq pillugu qulaajaallutik aallartitsisimallutik, avatangiisinut sunniutigisartagai, atorineqartarneri qanorlu peerneqarsinnaaneri misissorneqarlutik. Suliaq tamanna ukiakkut 2012-imi naammassisussaasimagaluarpoq, inernerillu atorineqartussaagaluarlutik issittumi OSPAR-imik nalilersuinerit atorineqareersut nalimmassarnissaannut,

soorlu aamma uuliasiortunut piumasaqaatinut aamma atorneqartussaasimagaluartoq. Tamassuma kinguneqarfigisussaavaa nunatta imartaani uuliasiorfiusuni akuutissanik maqitsineq, atuinerup annertussusaa, suullu akuutissat atorneqarnerat. Naak Naalakkersuisut nutaanik qillerinissamut akuersissutissanik tunniussiniani ngikkaluartut, suli akuersissutaareersut ukiuni arlalinni tullinnguuttuni ingerlasussaapput. Taamaattumik neriuutigaara Naalakkersuisut akuutissanik imartatsinnut maqitsinerup millisarnissaanik pimoorussilluinnarlutik pingaartitsissasut.